

**REUNIÓN DA COMISIÓN 5ª, SANIDADE,  
POLÍTICA SOCIAL E EMPREGO**

Día: 28.11.2018      Hora: 10:30

A Comisión 5ª, Sanidade, Política Social e Emprego, da que vostede forma parte, reunirse o próximo día 28 de novembro de 2018, ás 10:30 horas, no pazo do Parlamento.

A orde do día é a seguinte :

**Punto 1. Pregunta**

- 1.1 39139 (10/POC-006136)  
Grupo Parlamentario do Bloque Nacionalista Galego  
Prado Cores, María Montserrat e 5 máis  
Sobre as actuacións levadas a cabo polo Goberno galego para reverter a situación que padecen as mulleres no referido á conciliación da vida familiar e laboral, a súa opinión en relación cos datos publicados ao respecto pola Confederación Intersindical Galega, así como o nivel de implicación previsto para un cambio real en materia de igualdade laboral  
*Publicación da iniciativa, BOPG n.º 375, do 24.10.2018*

**Punto 2. Proposicións non de lei**

- 2.1 33610 (10/PNC-002749)  
Grupo Parlamentario dos Socialistas de Galicia  
Torrado Quintela, Julio e 2 máis  
Sobre as actuacións que pensa levar a cabo a Xunta de Galicia destinadas a garantir a correcta atención primaria no concello da Pontenova  
*Publicación da iniciativa, BOPG n.º 342, do 27.07.2018*
- 2.2 33648 (10/PNC-002753)  
Grupo Parlamentario de En Marea  
Solla Fernández, Eva  
Sobre as actuacións da Xunta de Galicia tendentes á ampliación do Centro de Saúde do concello do Porriño e á dotación adecuada de medios técnicos e humanos  
*Publicación da iniciativa, BOPG n.º 344, do 01.08.2018*
- 2.3 38452 (10/PNC-003075)  
Grupo Parlamentario do Bloque Nacionalista Galego  
Bará Torres, Xosé Luís e 5 máis  
Sobre as demandas que debe realizar o Goberno galego ao Goberno central en relación coa taxa de reposición de prazas vacantes vixente na actualidade, así como a actuación que debe levar a cabo para recuperar todas as prazas vacantes do Sistema público de saúde de Galicia

*Publicación da iniciativa, BOPG n.º 371, do 16.10.2018*

- 2.4 39696 (10/PNC-003192)  
Grupo Parlamentario dos Socialistas de Galicia  
Torrado Quintela, Julio e Blanco Rodríguez, Noela  
Sobre as actuacións que debe levar a cabo o Goberno galego en relación coa situación existente no Hospital Comarcal do Salnés, como consecuencia do pechamento da terceira planta desde o mes de xuño, así como a carencia dos medios humanos e materiais necesarios  
*Publicación da iniciativa, BOPG n.º 383, do 14.11.2018*
- 2.5 39808 (10/PNC-003200)  
Grupo Parlamentario de En Marea  
Vázquez Verao, Paula e Villares Naveira, Luis  
Sobre o impulso polo Goberno galego dun mapa social referido ao alcance da desigualdade económica en Galicia, así como as actuacións que debe levar a cabo e a demanda que debe realizar ao Goberno central para reducila  
*Publicación da iniciativa, BOPG n.º 383, do 14.11.2018*
- 2.6 39995 (10/PNC-003218)  
Grupo Parlamentario do Bloque Nacionalista Galego  
Prado Cores, María Montserrat e 5 máis  
Sobre as actuacións que debe levar a cabo a Xunta de Galicia en relación coa situación laboral existente no Hospital Comarcal do Salnés  
*Publicación da iniciativa, BOPG n.º 383, do 14.11.2018*

Os grupos parlamentarios poderán presentar emendas ás proposicións non de lei ata seis horas antes do inicio da sesión, ao abeiro do disposto no artigo 161.2 do Regulamento.

O que lle comunico para o seu coñecemento e a súa convocatoria á devandita reunión.

Santiago de Compostela, 21 de novembro de 2018

Marta María Rodríguez-Vispo Rodríguez  
Presidenta da Comisión

**Asinado dixitalmente por:**

**Marta María Rodríguez-Vispo Rodríguez na data 21/11/2018 14:27:04**

# RELACIÓN DE MEMBROS DE COMISIÓN 5ª, SANIDADE, POLÍTICA SOCIAL E EMPREGO

POR ORDE ALFABÉTICA

## Mesa

Presidenta	
Marta María Rodríguez-Vispo Rodríguez	P
Vicepresidente	
Miguel Ángel Tellado Filgueira	P
Secretaria	
María Montserrat Prado Cores	BNG

## Vogais

María Encarnación Amigo Díaz	P
Noela Blanco Rodríguez	S
María Ángeles García Míguez	P
Aurelio Alfonso Núñez Centeno	P
Marta Rodríguez Arias	P
María Soraya Salorio Porral	P
Eva Solla Fernández	EM
Julio Torrado Quintela	S
Paula Vázquez Verao	EM

Reunión da Comisión 5ª, Sanidade, Política Social e Emprego

Día: 28.11.2018

Hora: 10:30

Orde do día

1. Pregunta

**Reunión da Comisión 5ª, Sanidade, Política Social e Emprego**

**Día: 28.11.2018**

**Hora: 10:30**

**Orde do día**

1.1 39139(10/POC-006136)

Grupo Parlamentario do Bloque Nacionalista Galego

Prado Cores, María Montserrat e 5 máis

Sobre as actuacións levadas a cabo polo Goberno galego para reverter a situación que padecen as mulleres no referido á conciliación da vida familiar e laboral, a súa opinión en relación cos datos publicados ao respecto pola Confederación Intersindical Galega, así como o nivel de implicación previsto para un cambio real en materia de igualdade laboral

*Publicación da iniciativa, 375, 24.10.2018*



OFICINA PARLAMENTAR  
Parlamento de Galiza  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza



PARLAMENTO DE GALICIA  
REGISTRO XERAL ENTRADA  
Data asento: 18/10/2018 18:25  
Nº Rexistro: 39139  
Data envío: 18/10/2018 18:25:22.115

### Á Mesa do Parlamento

**Montserrat Prado Cores, Luis Bará Torres, Ana Pontón Mondelo, Xosé Luis Rivas Cruz, Olalla Rodil Fernández e Noa Presas Bergantiños,** deputadas e deputados do **Grupo Parlamentar do Bloque Nacionalista Galego (BNG)**, ao abeiro do disposto no Regulamento da Cámara, presentan a seguinte **Pregunta para resposta oral na Comisión 5ª**, relativa ás medidas a tomar para cambiar a situación actual na que recae sobre as mulleres a problemática da conciliación da vida familiar e laboral.

A Confederación Intersindical Galega ven de facer público un estudo elaborado polo seu Gabinete de economía do que se tira a conclusión que son as mulleres, máis que os poderes públicos ou a sociedade, as que solucionan a problemática da conciliación da vida familiar e laboral, como se fose un problema que nos compete exclusivamente.

Os datos son demoledores: son mulleres o 87% das persoas inactivas por coidado de menores ou persoas dependentes en Galiza; o 77% das persoas traballadoras con redución de xornada por coidado de menores de 12 anos; o 91,6% das persoas que se acolleron a unha excedencia por coidado de fillos/as; o 71,2% de quen reduciron ou suprimiron o traballo remunerado por coidado de dependentes; o 56,8% das persoas que utilizaron a flexibilización. Son tamén mulleres o 76,7% das persoas ocupadas a tempo parcial e as que padecen a dupla



BLOQUE  
NACIONALISTA  
GALEGO

OFICINA PARLAMENTAR  
Parlamento de Galiza

Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza



**PARLAMENTO DE GALICIA**  
**REXISTRO XERAL ENTRADA**  
**Data asento: 18/10/2018 18:25**  
**Nº Rexistro: 39139**

Data envío: 18/10/2018 18:25:22.115

xornada laboral. De feito, mentres elas dedican 4:38 horas ao día, de media ao traballo dentro do fogar, os homes só dedican 2:21.

A redución de xornada para coidado de menores é practicamente exclusiva das mulleres: no ano 2017 das 39.470 persoas traballadoras que reduciron xornada para se dedicaren a coidado de menores un 77% foron mulleres.

Das 106.374 que precisaron axuda externa para o coidado de menores no ano 2017, no 86,7% dos casos foron avós ou avoas os/as que prestaron a devandita axuda. No 73,49% dos casos as avoas/os non viven no mesmo fogar. Sería interesante coñecer o sexo destes avós ou avoas; seguro que as mulleres son maioría.

É un indicador moi ilustrativo de como a conciliación en Galiza recae na familia, e dentro desta maioritariamente nas mulleres.

Polas razóns expostas formúlanse as seguintes preguntas para resposta oral na Comisión 5ª:

-Que actuacións está realizando o Goberno galego para revertir esta situación?

-Que opinión lle merecen estes datos?





BLOQUE  
NACIONALISTA  
GALEGO

OFICINA PARLAMENTAR

Parlamento de Galicia

Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza



**PARLAMENTO DE GALICIA**  
**REXISTRO XERAL ENTRADA**  
**Data asento: 18/10/2018 18:25**  
**Nº Rexistro: 39139**  
Data envío: 18/10/2018 18:25:22.115

-Considera que as mulleres temos igualdade de oportunidades laborais se os coidados de menores e dependentes seguen sendo maioritariamente responsabilidade nosa?

-Considera que temos igualdade de oportunidades para futuras pensións con estas vidas laborais?

-Cal vai ser o nivel de implicación da Xunta de Galiza para unha mudanza real na igualdade laboral?

Santiago de Compostela, 18 de outubro de 2018

Asdo.: **Montserrat Prado Cores**

**Luis Bará Torres**

**Noa Presas Bergantiños**

**Olalla Rodil Fernández**

**Xosé Luis Rivas Cruz**

**Ana Pontón Mondelo**

Deputadas e deputados do G.P. do BNG

**Asinado dixitalmente por:**



BLOQUE  
NACIONALISTA  
GALEGO

OFICINA PARLAMENTAR

Parlamento de Galicia

Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza



**PARLAMENTO DE GALICIA**  
**REXISTRO XERAL ENTRADA**  
**Data asento: 18/10/2018 18:25**  
**Nº Rexistro: 39139**  
Data envío: 18/10/2018 18:25:22.115

**María Montserrat Prado Cores na data 18/10/2018 18:22:15**

**Ana Pontón Mondelo na data 18/10/2018 18:22:19**

**Xose Luis Rivas Cruz na data 18/10/2018 18:22:20**

**Olalla Rodil Fernández na data 18/10/2018 18:22:22**

**Noa Presas Bergantiños na data 18/10/2018 18:22:23**

**Xosé Luis Bará Torres na data 18/10/2018 18:22:25**

Reunión da Comisión 5ª, Sanidade, Política Social e Emprego

Día: 28.11.2018

Hora: 10:30

Orde do día

2.       Proposicións non de lei

**Reunión da Comisión 5ª, Sanidade, Política Social e Emprego**

**Día: 28.11.2018**

**Hora: 10:30**

**Orde do día**

2.1 33610(10/PNC-002749)

Grupo Parlamentario dos Socialistas de Galicia

Torrado Quintela, Julio e 2 máis

Sobre as actuacións que pensa levar a cabo a Xunta de Galicia destinadas a garantir a correcta atención primaria no concello da Pontenova

*Publicación da iniciativa, 342, 27.07.2018*



PARLAMENTO DE GALICIA  
REGISTRO XERAL ENTRADA  
Data asento: 19/07/2018 10:33  
Nº Rexistro: 33610  
Data envío: 19/07/2018 10:33:26.687



 Grupo Parlamentario

## Á Mesa do Parlamento

O **Grupo Parlamentario dos Socialistas de Galicia**, por iniciativa dos seus deputados e da súa deputada **Julio Torrado Quintela, Luís Manuel Álvarez Martínez e Noela Blanco Rodríguez**, a través do seu portavoz, e ao abeiro do disposto no artigo 160 do Regulamento da Cámara, presenta a seguinte **proposición non de lei** para o seu debate en **Comisión 5.ª, Sanidade, Política Social e Emprego**.

Partido dos  
Socialistas  
de Galicia

## Exposición de motivos

A concepción da atención primaria como porta de entrada do sistema sanitario supón, máis alá dun termo amplamente mencionado, unha concepción do sistema non focalizado na atención hospitalaria e que permita estender e descentralizar o contacto das persoas coa sanidade, de forma que se achegue máis ao territorio e, por tanto, estea máis próxima.

Unha atención primaria fortalecida supón unha maior capacidade de funcionamento da rede de hospitais, que ven menos saturadas as súas propias dinámicas de funcionamento, dende a redución de entradas en urxencias ata a optimización de tempos e de diminución de listas de espera.

O envellecemento da poboación e o aumento da cronicidade supoñen un dos problemas esenciais que ten que afrontar o sistema público de saúde. No caso de Galicia, estas cuestións aumentan a súa relevancia debido ás propias condicións demográficas en termos de idade, e condicionadas tamén pola dispersión da poboación e as dificultades de infraestruturas e redes de comunicación na Galicia rural. O fortalecemento da atención primaria nestes casos supón unha necesidade maior e case imperativa para poder achegar os servizos sanitarios á poboación, tanto en termos de infraestruturas como de persoal.

Dende a chegada ao Goberno de Núñez Feijoo en 2009 o sistema público de saúde soamente ten contratado de maneira estable a menos dun 15 % dos titulados MIR, o que supón un dato preocupante. Unha



Grupo Parlamentario

Partido dos  
Socialistas  
de Galicia

cifra tan baixa resulta a todas luces insuficiente para cubrir as necesidades dun sistema que precisa unha dispersión notoria e unha forte implantación no territorio, para paliar os problemas demográficos antes sinalados. Unha maior contratación suporía a posibilidade de non ter que concentrar servizos, afastando a atención dos e das cidadáns.

A construción de novos centros de saúde, ou a reforma dalgúns xa existentes, supón outro dos grandes déficits da atención primaria na sanidade pública galega. Os orzamentos de 2016 e 2017, por coller os exemplos máis recentes, coinciden nos compromisos de varios centros de saúde apuntados nun e outro, os mesmos sucesivamente, ignorando ningunha responsabilidade polo anuncio e compromiso de infraestruturas que logo nunca se inician. O Plan de mellora da Atención Primaria, iniciado na lexislatura 2005-2009, supuxo unha base estratéxica que non foi continuada polos gobernos de Núñez Feijóo, que non amosaron un proxecto real para o fortalecemento da atención primaria.

No concello de A Pontenova a atención sanitaria está a cargo dos profesionais do centro de saúde. Existe nos últimos tempos unha tendencia a reducir o número de persoal que atende no centro, aproveitando baixas e xubilacións. Este é o caso do número de facultativos, que pasou de 3 a 2 pola recente xubilación dun deles e que a Xunta négase a repoñer, ou do paso de 2 a 1 profesional PSX. Estes recortes producen maior saturación tanto na atención médica como na organización do centro. O PAC de referencia para A Pontenova é o do Concello de Meira, que en días como o sábado pola mañá ten unicamente un ATS que ten que atender tanto ao PAC como á atención domiciliaria.

Para A Pontenova o correcto funcionamento do centro de saúde é indispensable, pois é un concello de poboación moi dispersa e envellecida, con máis dun terzo da poboación por riba dos 65 anos. Estas características condicionan a necesidade dunha atención próxima e áxil, que precisa de maiores medios humanos para non saturar as necesidades sobre os profesionais restantes no centro.



PARLAMENTO DE GALICIA  
REXISTRO XERAL ENTRADA  
Data asento: 19/07/2018 10:33  
Nº Rexistro: 33610  
Data envío: 19/07/2018 10:33:26.687



 Grupo Parlamentario

Partido dos  
Socialistas  
de Galicia

Por todo o exposto, o Grupo Parlamentario dos Socialistas de Galicia presenta a seguinte proposición non de lei para o seu debate en Comisión:

O Parlamento galego insta a Xunta de Galicia a garantir a correcta atención primaria no concello de A Pontenova mediante a contratación substitución do facultativo xubilado e a reposición dun profesional PSX para equiparar a situación anterior.

Pazo do Parlamento, 19 de xullo de 2018

Asdo.: Julio Torrado Quintela  
Luis Manuel Álvarez Martínez  
Noela Blanco Rodríguez  
Deputados e deputada do G.P. dos Socialistas de Galicia

Asdo.: Xoaquín Fernández Leiceaga  
Portavoz do G.P. dos Socialistas de Galicia

**Asinado dixitalmente por:**

**Julio Torrado Quintela na data 19/07/2018 10:29:55**

**Luis Manuel Álvarez Martínez na data 19/07/2018 10:30:01**

**Noela Blanco Rodríguez na data 19/07/2018 10:30:05**

**Xoaquín María Fernández Leiceaga na data 19/07/2018 10:30:10**

**Reunión da Comisión 5ª, Sanidade, Política Social e Emprego**

**Día: 28.11.2018**

**Hora: 10:30**

**Orde do día**

2.2 33648(10/PNC-002753)

Grupo Parlamentario de En Marea

Solla Fernández, Eva

Sobre as actuacións da Xunta de Galicia tendentes á ampliación do Centro de Saúde do concello do Porriño e á dotación adecuada de medios técnicos e humanos

*Publicación da iniciativa, 344, 01.08.2018*





## Á MESA DO PARLAMENTO

**O Grupo Parlamentario de En Marea**, a iniciativa da súa deputada **Eva Solla Fernández**, ao abeiro do disposto no artigo 160 do Regulamento da Cámara, presenta a seguinte **Proposición non de lei** para o seu debate na **Comisión 5.<sup>a</sup>**

### EXPOSICIÓN DE MOTIVOS:

No ano 2010, o Concello do Porriño asinou un acordo coa Xunta de Galicia, no que puxo a disposición da mesma unha parcela cunha superficie de 525 metros cadrados para ampliar o Centro de Saúde.

A ampliación do Centro de Saúde do Porriño é unha demanda que leva unha década sen ser atendida por parte da Xunta de Galicia, pese a tratarse dun Centro de Saúde que sigue incrementando o número de pacientes aos que ten que atender, chegando a ser máis de 40.000 usuarios potenciais os que poderían ter que acudir ao Centro, que ademais conta con Punto de Atención Continuada de tres da tarde a oito da mañá, horario no que tamén atende a concellos da contorna como poden ser Mos ou Salceda de Caselas.

Ademais da ampliación do Centro, as veciñas e veciños do concello de Porriño reivindicán tamén que de xeito simultáneo, se dote o mesmo dos medios técnicos e humanos suficientes para facer fronte á actual demanda, dando cobertura axeitada as baixas e vacacións do persoal, especialmente en relación ao persoal do Punto de Atención Continuada no que profesionais do servizo están a denunciar a falta de substitucións.



PARLAMENTO DE GALICIA  
REXISTRO XERAL ENTRADA  
Data asento: 20/07/2018 13:20  
Nº Rexistro: 33648  
Data envío: 20/07/2018 13:20:25.525



Por todo o anterior, o Grupo Parlamentario de En Marea, por iniciativa da súa deputada Eva Solla Fernández, presenta a seguinte Proposición non de lei para o seu debate en Comisión.

O Parlamento de Galicia insta á Xunta de Galicia a:

- Destinar nos vindeiros orzamentos, partida suficiente para reiniciar e rematar o proxecto de ampliación do centro de saúde así como dotalo dos medios técnicos e humanos, axeitados ás necesidades do Concello do Porriño e a súa contorna.
- Dar cobertura as baixas e vacacións do persoal do Centro de Saúde, con especial atención ao PAC.

Santiago de Compostela, 20 de xullo de 2018.

Asdo. Eva Solla Fernández  
Deputada do G.P. de En Marea  
Luís Villares Naveira  
Voceiro do G.P. de En Marea.

**Asinado dixitalmente por:**

**Eva Solla Fernández na data 20/07/2018 13:10:00**

**Luis Villares Naveira na data 20/07/2018 13:10:08**

**Reunión da Comisión 5ª, Sanidade, Política Social e Emprego**

**Día: 28.11.2018**

**Hora: 10:30**

**Orde do día**

2.3 38452(10/PNC-003075)

Grupo Parlamentario do Bloque Nacionalista Galego

Bará Torres, Xosé Luís e 5 máis

Sobre as demandas que debe realizar o Goberno galego ao Goberno central en relación coa taxa de reposición de prazas vacantes vixente na actualidade, así como a actuación que debe levar a cabo para recuperar todas as prazas vacantes do Sistema público de saúde de Galicia

*Publicación da iniciativa, 371, 16.10.2018*



OFICINA PARLAMENTAR  
Parlamento de Galiza  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza



PARLAMENTO DE GALICIA  
REGISTRO XERAL ENTRADA  
Data asento: 10/10/2018 09:30  
Nº Rexistro: 38452  
Data envío: 09/10/2018 20:15:20.734

### Á Mesa do Parlamento

O Grupo Parlamentar do Bloque Nacionalista Galego (BNG), a iniciativa das deputadas e deputados **Luis Bará Torres, Montserrat Prado Cores, Ana Pontón Mondelo, Xosé Luis Rivas Cruz, Olalla Rodil Fernández e Noa Presas Bergantiños**, ao abeiro do disposto no Regulamento da Cámara, presenta a seguinte **Proposición non de lei para o seu debate en Comisión**, relativa á petición realizada aos grupos da cámara por CIG-SAÚDE en relación á rematar coa taxa de reposición.

#### EXPOSICIÓN DE MOTIVOS

A organización sindical CIG-SAÚDE dirixiu escrito a todos os grupos parlamentares con representación no Parlamento de Galiza co seguinte contido:

*Nestes días como consecuencia do fatal incidente que se produciu no PAC da Estrada e que tivo como consecuencia a morte dunha persoa, estase a producir no Parlamento un debate sobre a necesidade de Recursos Humanos no SERGAS.*

*O debate do cadro de persoal do SERGAS, a amortización de prazas, a contratación en precario... é un debate recorrente sen que o goberno da Xunta de Galiza tome as medidas necesarias.*

*Desde CIG-SAÚDE en reiteradas ocasións solicitamos reunións con todos os grupos políticos para tratar de que se corrixa esta situación. As nosas propostas simplemente non se tiveron en conta, ou foron rexeitadas cando as levou a debate na cámara algún grupo parlamentario.*



BLOQUE  
NACIONALISTA  
GALEGO

OFICINA PARLAMENTAR  
Parlamento de Galiza

Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza



PARLAMENTO DE GALICIA  
REXISTRO XERAL ENTRADA  
Data asento: 10/10/2018 09:30  
Nº Rexistro: 38452

Data envío: 09/10/2018 20:15:20.734

*A pesar de ser ignoradas por unha maioría dese Parlamento, e dada a gravidade da situación, desde CIG-SAÚDE dirixímonos, unha vez máis, a vostedes.*

*Os recortes matan. Esta afirmación, por desgraza, confírmase, mais isto ten un nome: taxa de reposición. Esta taxa é a que impide que no SERGAS se incorporen novas/os profesionais para dar cobertura ás prazas vacantes producidas no sistema desde o ano 2010.*

*Como vostedes saben a taxa de reposición foi do 10% nos anos 2010/11/12/13/14; do 50% no ano 2015 e a partires do ano 2016 do 100% con fraude porque só se repoñen o 100% das prazas vacantes producidas no ano anterior, non o total das prazas que quedaron vacantes no sistema.*

*Esta taxa de reposición mantense a consecuencia do acordo sindical asinado en Madrid polas organizacións sindicais estatais e o goberno do PP, que o impuxeron como norma básica de obrigado cumprimento en todo o Estado vulnerando, deste xeito, as competencias das Comunidades Autónomas e as dos Servizos de Saúde.*

*Se Galiza ten a competencia en materia sanitaria e a responsabilidade da asistencia sanitaria é súa, como é posible que desde Madrid se xestione o cadro de persoal do SERGAS.*

*Este é o acordo sindical ao que nos referimos. E a taxa de reposición manterase, se non se anula até o 2020:*

*“ACORDO SINDICAL.*

*III. OTRAS DISPOSICIONES*

*MINISTERIO DE HACIENDA Y FUNCIÓN PÚBLICA*

4222

*Resolución de 22 de marzo de 2018, de la Secretaría de Estado de Función Pública, por la que se publica el II Acuerdo Gobierno-Sindicatos para la mejora del empleo público y las condiciones de trabajo.*

*Núm. 74 Lunes 26 de marzo de 2018 Sec. III. Pág. 32966*

*El 9 de marzo de 2018 el Gobierno de España, a través de su Ministro de Hacienda y Función Pública, y las organizaciones sindicales CCOO, UGT, y CSIF ...*

*1. Las Administraciones Públicas que en el ejercicio anterior hayan cumplido el objetivo de estabilidad presupuestaria, deuda y la regla de gasto tendrán una tasa de reposición de efectivos de hasta el 100 % para todos los sectores, funciones y servicios.”*

*Segundo o decreto 206/2005 de provisión e selección de persoal estatutario do SERGAS, nos concursos de traslado convocaranse o 100% das prazas vacantes do sistema. Por iso no concurso de traslados de 2018 ofertáronse arredor de 6.000 prazas.*

*Este mesmo Decreto di que o 100% que previamente se ofertaron para o concurso de traslado e que quedaron vacantes en distintos destinos teñen que ser as ofertadas na OPE.*

*Porén, a Xunta de Galiza, no canto de abrir unha oferta de emprego para dar cobertura a esas 6.000 prazas, só ofertou 1.732.*

*Isto dá unha idea da falta de persoal que ten o noso sistema sanitario público. Unha situación que é consecuencia directa da taxa de reposición que se nos impón.*



OFICINA PARLAMENTAR  
Parlamento de Galiza  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza



PARLAMENTO DE GALICIA  
REXISTRO XERAL ENTRADA  
Data asento: 10/10/2018 09:30  
Nº Rexistro: 38452  
Data envío: 09/10/2018 20:15:20.734

*O máis grave é que esas 6.000 prazas son cubertas por persoal interino e faltan prazas estruturais, cubertas ou non con contratos eventuais que non saen na oferta.*

*Deste xeito o que temos é un sistema sanitario infradotado de persoal e cunha importante parte do que ten en situación de precariedade laboral.*

#### *Prazas ofertadas*

*Os datos relativos ás prazas ofertadas están na web do SERGAS, no apartado de emprego público. Mais permítannos facilitarlle o traballo cos datos que temos. Faltan os datos das/os facultativos de hospitais, que teremos no próximo concurso de traslados.*

*Lémbrense de que estas prazas son as que están cubertas con persoal interino e que faltan todas as prazas estruturais cubertas con persoal eventual.*

<i>Oferta prazas concurso traslados 2017. Prazas cubertas con persoal interino.</i>	<i>Oferta prazas OPE dos anos 2012/13/14/15/16/17.</i>	<i>Prazas que faltan sen contar as prazas estruturais cubertas con eventuais</i>
<i>Médicos de familia: 409 prazas</i>	<i>Médicos de Familia 323 prazas OPE</i>	<i>Faltan 83 prazas das cubertas con interinidade</i>
<i>Pediatras de atención</i>	<i>Pediatras 10 prazas</i>	<i>Faltan 93 prazas.</i>



BLOQUE  
NACIONALISTA  
GALEGO

OFICINA PARLAMENTAR  
Parlamento de Galiza

Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza



**PARLAMENTO DE GALICIA**  
**REXISTRO XERAL ENTRADA**  
**Data asento: 10/10/2018 09:30**  
**Nº Rexistro: 38452**  
Data envío: 09/10/2018 20:15:20.734

<i>primaria: 103 prazas</i>	<i>OPE.</i>	
<i>Matronas: 84 prazas</i>	<i>Matronas 7 prazas OPE.</i>	<i>Faltan 81 prazas</i>
<i>Enfermeiras/os: 1.761 prazas</i>	<i>Enfermeiro/as 1.035 prazas OPE</i>	<i>Faltan 726 prazas</i>
<i>TCAEs: 1.172 prazas</i>	<i>TCAEs 490 prazas OPE</i>	<i>Faltan: 682 prazas</i>
<i>Celador/a: 516 prazas.</i>	<i>Celadoras/es 390 prazas OPE</i>	<i>Faltan 126 prazas</i>

*Ante esta situación, desde CIG-SAÚDE solicitamos de todos os grupos políticos do Parlamento de Galiza unha solución real a esta situación, que pasa por acordar que:*

*O Parlamento de Galiza aproba por unanimidade unha proposición de Lei dirixida ao goberno do Estado para rematar coa fórmula de cómputo da taxa de reposición. É dicir, a taxa de reposición que se inclúa nos orzamentos do Estado do ano 2019 será do 100% de todas as prazas vacantes.*

*O Parlamento de Galiza insta á Consellaría de Sanidade, unha vez anulada a fórmula de cómputo da taxa de reposición, a negociar na mesa sectorial do SERGAS,*





BLOQUE  
NACIONALISTA  
GALEGO

OFICINA PARLAMENTAR  
Parlamento de Galiza

Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza



PARLAMENTO DE GALICIA  
REXISTRO XERAL ENTRADA  
Data asento: 10/10/2018 09:30  
Nº Rexistro: 38452  
Data envío: 09/10/2018 20:15:20.734

*un plano de emprego para recuperar todas as prazas vacantes do Sistema Público de Saúde.*

*Se o goberno do Estado español non acepta retirar a fórmula de cómputo da taxa de reposición, demandamos que a devandita taxa de reposición non teña carácter de norma básica, para que non invada as competencias da Xunta de Galiza.*

O Grupo Parlamentar do Bloque Nacionalista Galego fai propia a demanda que realiza CIG-Saúde e por esa razón presenta a seguinte proposición non de lei para o seu debate en comisión:

“O Parlamento de Galiza insta ao Goberno galego a dirixirse ao Goberno español en esixencia da eliminación da taxa de reposición como norma de carácter básico, xa que a mesma invade as competencias da Xunta de Galiza. A taxa de reposición a incluír nos orzamentos do ano 2019 será do 100% de todas as prazas vacantes.

O Parlamento de Galiza insta ao Goberno galego a que unha vez anulada a fórmula de cómputo da taxa de reposición, proceda a negociar nas mesas sectoriais plans de emprego para recuperar todas as prazas vacantes do Sistema Público da Xunta de Galiza.”

Santiago de Compostela, 9 de outubro de 2018

Asdo.: **Montserrat Prado Cores**



BLOQUE  
NACIONALISTA  
GALEGO

OFICINA PARLAMENTAR  
Parlamento de Galicia

Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza



PARLAMENTO DE GALICIA  
REXISTRO XERAL ENTRADA  
Data asento: 10/10/2018 09:30  
Nº Rexistro: 38452  
Data envío: 09/10/2018 20:15:20.734

**Luis Bará Torres**

**Noa Presas Bergantiños**

**Olalla Rodil Fernández**

**Xosé Luis Rivas Cruz**

Deputadas e deputados do G.P. do BNG

**Ana Pontón Mondelo**

Portavoz do G.P. do BNG

**Asinado dixitalmente por:**

**María Montserrat Prado Cores na data 09/10/2018 20:14:53**

**Ana Pontón Mondelo na data 09/10/2018 20:14:58**

**Xose Luis Rivas Cruz na data 09/10/2018 20:14:59**

**Olalla Rodil Fernández na data 09/10/2018 20:15:00**

**Noa Presas Bergantiños na data 09/10/2018 20:15:02**

**Xosé Luis Bará Torres na data 09/10/2018 20:15:03**

**Reunión da Comisión 5ª, Sanidade, Política Social e Emprego**

**Día: 28.11.2018**

**Hora: 10:30**

**Orde do día**

2.4 39696(10/PNC-003192)

Grupo Parlamentario dos Socialistas de Galicia

Torrado Quintela, Julio e Blanco Rodríguez, Noela

Sobre as actuacións que debe levar a cabo o Goberno galego en relación coa situación existente no Hospital Comarcal do Salnés, como consecuencia do pechamento da terceira planta desde o mes de xuño, así como a carencia dos medios humanos e materiais necesarios

*Publicación da iniciativa, 383, 14.11.2018*



## Á Mesa do Parlamento

O **Grupo Parlamentario dos Socialistas de Galicia**, por iniciativa do seu deputado e da súa deputada **Julio Torrado Quintela** e **Noela Blanco Rodríguez**, a través do seu portavoz, e ao abeiro do disposto no artigo 160 do Regulamento da Cámara, presenta a seguinte **proposición non de lei** para o seu debate en **Comisión 5.ª, Sanidade, Política Social e Emprego**.

### Exposición de motivos

Dende a entrada en vigor da reforma da Lei de saúde a inicios de 2018 os hospitais comarcais teñen estado no foco dos problemas de asistencia hospitalaria no Sistema galego de saúde, pois en numerosas ocasións se teñen dado escenarios de perda temporal de servizos pola ausencia de persoal ou problemas de recursos materiais. Así, conséntase a realidade da súa perda de capacidade asistencial e a súa nula posibilidade de influír na toma de decisións, como foi alertado coa tramitación da devandita reforma da lei.

O caso do Hospital do Salnés resulta paradigmático. Un centro que viu nos últimos meses recortadas as súas prestacións ben por unha cuestión de recursos humanos, como no caso do servizo de medicina interna que antes do verán perdeu á metade dos seus integrantes, ou de recursos materiais, como a obrigada derivación de pacientes a Pontevedra ao avariarse o TAC do Hospital no mes de outubro e demorarse unha semana a atención para resolver o problema.

Nos últimos días de outubro e inicio de novembro, o Hospital do Salnés sufriu un novo problema serio ao ter que permanecer varios pacientes en cabinas de urxencias sen poder ingresar por non haber camas dispoñibles. Esta situación dáse ao estar a terceira planta do Hospital do Salnés pechada dende o mes de xuño, sen estar nin sequera dotado de persoal suficiente para poder atender a esa planta. A limitación de camas obrigou non so a estas citadas esperas en urxencias, senón a manter na segunda planta, destinada a outros fins, a ata 5 pacientes de obrigado illamento, o que limitou máis aínda a capacidade do hospital ao ter que dedicar habitacións dobres á atención individual debido á situación de illamento.

A situación de auténtica precariedade que viven os profesionais, sumada á previsión da chegada do inverno que aumenta a entrada no hospital de persoas



afectadas polos previsibles episodios de gripe, provoca un enorme escenario de incerteza para profesionais e pacientes, que observan como a calidade de atención do hospital descende polo desleixo e abandono por parte da Consellería de Sanidade.

Por todo o exposto, o Grupo Parlamentario dos Socialistas de Galicia presenta a seguinte proposición non de lei para o seu debate en Comisión:

O Parlamento galego insta a Xunta de Galicia a:

1. Comprometer un plan de contratación de persoal para o Hospital do Salnés que permita manter aberta a terceira planta do centro de maneira permanente.
2. Realizar un informe sobre a resposta ofrecida pola Dirección do centro ante as demandas de profesionais e persoas usuarias nos últimos días de outubro e primeiros de novembro, acerca das prolongadas esperas en urxencias de pacientes sen cama dispoñible para ingresar.

Pazo do Parlamento, 6 de novembro de 2018

Asdo.: Julio Torrado Quintela  
Noela Blanco Rodríguez  
Deputado e deputada do G.P. dos Socialistas de Galicia

Asdo.: Xoaquín Fernández Leiceaga  
Portavoz do G.P. dos Socialistas de Galicia

**Asinado dixitalmente por:**

**Julio Torrado Quintela na data 06/11/2018 11:27:56**



**PARLAMENTO DE GALICIA**  
**REGISTRO XERAL ENTRADA**  
**Data asento: 06/11/2018 11:30**  
**Nº Rexistro: 39696**  
Data envío: 06/11/2018 11:30:21.679

**Noela Blanco Rodríguez na data 06/11/2018 11:28:01**

**Xoaquín María Fernández Leiceaga na data 06/11/2018 11:28:06**

**Reunión da Comisión 5ª, Sanidade, Política Social e Emprego**

**Día: 28.11.2018**

**Hora: 10:30**

**Orde do día**

2.5 39808(10/PNC-003200)

Grupo Parlamentario de En Marea

Vázquez Verao, Paula e Villares Naveira, Luis

Sobre o impulso polo Goberno galego dun mapa social referido ao alcance da desigualdade económica en Galicia, así como as actuacións que debe levar a cabo e a demanda que debe realizar ao Goberno central para reducilas

*Publicación da iniciativa, 383, 14.11.2018*



PARLAMENTO DE GALICIA  
REGISTRO XERAL ENTRADA  
Data asento: 07/11/2018 16:30  
Nº Rexistro: 39808  
Data envío: 07/11/2018 14:13:59.269



## Á MESA DO PARLAMENTO

O Grupo Parlamentar de **En Marea**, por iniciativa da súa deputada **Paula Vázquez Vero** e do seu deputado **Luís Villares Naveira**, ao abeiro do disposto no artigo 160 do Regulamento da Cámara, presenta a seguinte **Proposición non de lei para o seu debate na Comisión 5.<sup>a</sup>**

### EXPOSICIÓN DE MOTIVOS

Dende 2014 estamos nunha fase alcista do ciclo económico; durante o primeiro trimestre de 2017, o PIB acadou niveis previos á crise, pero o reparto da riqueza é cada vez máis desigual.

O mercado laboral do País precarizouse, o que, unido a un sistema fiscal inxusto e ás altas remuneracións de accionistas e altos directivos contribúe a un aumento da fenda social, que se agranda a costa das persoas con menos ingresos.

O falso debate sobre se o aumento do SMI castigará a contratación de persoas mozas ou con menos cualificación profesional agocha que a clase traballadora xa foi a máis castigada a nivel laboral e fiscal e sobre a que pesa a desigualdade, a vulnerabilidade e a exclusión social. Asemade, as mulleres son as que ocupan os empregos máis precarios e sobre as que pesa unha fenda salarial inasumible.

Fronte á recuperación e aumento do PIB a respecto de antes da crise, os salarios non se recuperaron, malia que os beneficios empresariais si que o fixeron no segundo trimestre do 2017, acadando o 8,3% por riba do 1º trimestre de 2009.

Non foi unha crise, foi unha estafa.





Segundo un estudo de La Caixa, a vulnerabilidade económica afecta xa ao 32,6% da poboación do conxunto do Estado español. É dicir, a renda familiar destas persoas non supera o 60% do ingreso mediano que recibe unha familia estándar. A estes efectos, considéranse que o limiar de vulnerabilidade é o 60% para unha familia composta de parella con dúas crianzas menores de 14 anos cuns ingresos de 1.800 euros anuais establecidos en 12 pagas. O 60% de 1.800 euros son 1.080 euros.

Ademais, un 8,8% da poboación sofre pobreza monetaria e material, algo que afecta a máis mulleres que homes.

Segundo este estudo, un 3,3 % da poboación en Galicia non pode permitirse unha comida de carne, polo ou pescado cada dous días; un 6,7 % da poboación galega non pode permitirse manter a vivenda cunha temperatura axeitada; un 4,3 % da poboación galega tivo atrasos no pago relacionados coa vivenda principal nos últimos doce meses e un 38,7% da poboación en Galicia non pode permitirse ir de vacacións unha vez no ano.

Estes datos demostran que a recuperación económica despois da chamada crise non chega á maioría social, pois os fogares máis pobres resultaron, namentres que as rendas máis ricas permaneceron inalteradas mellorando os seus ingresos e acaparando a riqueza, pois as persoas máis ricas do conxunto do Estado cuadriplicaron a súa riqueza.

No informe presentado pola organización Intermón Oxfam “Premiar o traballo, non a riqueza”, a organización denuncia que o 82% da riqueza mundial xerada durante o ano 2017 pasou a mans do 1% máis rico da poboación mundial e que o 50% da poboación máis pobre (3700 millóns de persoas) non se beneficiaron de dito crecemento. A tendencia no estado español é a mesma: mentres que o 1 % acaparou o 40% da riqueza creada, o 50% máis pobre apenas só puido repartirse un 7%.



En Galiza hai 108.000 persoas en situación de pobreza severa, con ingresos inferiores a 342 euros ao mes. Cos 18 millóns de euros que os agasallos fiscais de Feijóo aforran á persoas máis ricas poderían vivir 54.000 persoas, a metade da poboación galega máis necesitada.

Polo anteriormente exposto, o Grupo Parlamentar de En Marea presenta a seguinte Proposición non de lei para o seu debate en Comisión.

O Parlamento de Galicia insta á Xunta de Galicia a:

1. Impulsar, antes de mediados de 2019, un mapa social sobre o alcance da desigualdade económica en Galiza.
2. Diseñar e impulsar, antes de mediados de 2019, xunto cos colectivos e entidades que traballan no eido da pobreza e a exclusión social, así como cos sindicatos de clase, un plan de redución da desigualdade económica no noso País.
3. Dar marcha atrás na rebaixa do imposto do patrimonio para aquelas persoas que teñan máis de 700.000 €.
4. Dotarse dun verdadeiro sistema de renda mínima galega que garante atender á poboación en risco de pobreza.
5. Impulsar unha negociación colectiva de ámbito galego para acadar acordos que permitan elevar os salarios galegos, canto menos, á media estatal.
6. Trasladar ao Goberno do Estado que se derogue a reforma laboral do ano 2012.

Santiago de Compostela, 7 de novembro de 2018.

Asdo.: Paula Vázquez Verao

Deputada do G.P. de En Marea



Luís Villares Naveira

Voceiro do G.P. de En Marea.



**PARLAMENTO DE GALICIA**  
**REGISTRO XERAL ENTRADA**  
**Data asento: 07/11/2018 16:30**  
**Nº Registro: 39808**  
Data envío: 07/11/2018 14:13:59.269

**Asinado dixitalmente por:**

**Paula Vázquez Verao na data 07/11/2018 14:10:52**

**Luis Villares Naveira na data 07/11/2018 14:10:59**

**Reunión da Comisión 5ª, Sanidade, Política Social e Emprego**

**Día: 28.11.2018**

**Hora: 10:30**

**Orde do día**

2.6 39995(10/PNC-003218)

Grupo Parlamentario do Bloque Nacionalista Galego

Prado Cores, María Montserrat e 5 máis

Sobre as actuacións que debe levar a cabo a Xunta de Galicia en relación coa situación laboral existente no Hospital Comarcal do Salnés



BLOQUE  
NACIONALISTA  
GALEGO

OFICINA PARLAMENTAR  
Parlamento de Galicia  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza



PARLAMENTO DE GALICIA  
REGISTRO XERAL ENTRADA  
Data asento: 08/11/2018 18:27  
Nº Rexistro: 39995  
Data envío: 08/11/2018 18:27:43.024

### Á Mesa do Parlamento

O **Grupo Parlamentar do Bloque Nacionalista Galego (BNG)**, a iniciativa das deputadas e deputados **Montserrat Prado Cores, Luis Bará Torres, Ana Pontón Mondelo, Xosé Luis Rivas Cruz, Olalla Rodil Fernández e Noa Presas Bergantiños**, ao abeiro do disposto no Regulamento da Cámara, presenta a seguinte **Proposición non de lei para o seu debate na Comisión 5ª**, relativa a situación laboral no Hospital do Salnés.

#### EXPOSICIÓN DE MOTIVOS

O persoal de enfermería do Hospital do Salnés ven de denunciar unha situación de sobrecarga asistencial brutal nas dúas plantas de hospitalización que permanecen abertas, primeira e segunda, toda vez que a terceira plante permanece pechada.

Denuncian que na vez de ter operativa a terceira planta, estase procedendo a distribuír @s doentes polas outras dúas plantas, ou mantel@s en urxencias.

Encóntranse deste xeito plantas con pluripatoloxías, con ingresos, cirurxías, pediatría, xinecoloxía... Unha carga de traballo brutal sen reforzos, que ten unha repercusión negativa na calidade asistencial que se presta. Unha mostra e consecuencia desta sobrecarga é que o centro hospitalario perdeu a acreditación concedida por Unicef de “Hospital amigo dos nen@s”.

Polas razóns expostas, o Grupo Parlamentar do Bloque Nacionalista Galego presenta a seguinte proposición non de lei para o seu debate na Comisión 5ª:



BLOQUE  
NACIONALISTA  
GALEGO

OFICINA PARLAMENTAR  
**Parlamento de Galiza**

Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza



**PARLAMENTO DE GALICIA**  
**REXISTRO XERAL ENTRADA**  
**Data asento: 08/11/2018 18:27**  
**Nº Rexistro: 39995**

Data envío: 08/11/2018 18:27:43.024

“O Parlamento de Galiza insta á Xunta a:

-Que proceda a dimensionar o cadro de persoal do hospital do Salnés, de acordo coas ratios profesionais-doentes precisas, como mínimo da media dos hospitais do Sergas, para poder ofrecer unha atención sanitaria cos estándares de calidade esixíbeis a un servizo público esencial como é a sanidade pública.

-Que proceda á apertura da totalidade da terceira planta do hospital do Salnés, durante todo o ano, coa dotación de xeito estábel e permanente do persoal preciso para o funcionamento da mesma.

-Que proceda á contratación do persoal que sexa preciso para cubrir as ausencias de persoal, e que remate coa mobilidade permanente do persoal, tanto de servizos como de especialidades, para cubrir esas ausencias.”

Santiago de Compostela, 8 de novembro de 2018

**Asdo.: Montserrat Prado Cores**

**Luis Bará Torres**

**Noa Presas Bergantiños**

**Olalla Rodil Fernández**

**Xosé Luis Rivas Cruz**

Deputadas e deputados do G.P. do BNG

**Ana Pontón Mondelo**

Portavoz do G.P. do BNG



BLOQUE  
NACIONALISTA  
GALEGO

OFICINA PARLAMENTAR  
Parlamento de Galiza

Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza



**PARLAMENTO DE GALICIA**  
**REXISTRO XERAL ENTRADA**  
**Data asento: 08/11/2018 18:27**  
**Nº Rexistro: 39995**

Data envío: 08/11/2018 18:27:43.024

**Asinado dixitalmente por:**

**María Montserrat Prado Cores na data 08/11/2018 18:19:19**

**Ana Pontón Mondelo na data 08/11/2018 18:19:23**

**Xose Luis Rivas Cruz na data 08/11/2018 18:19:25**

**Olalla Rodil Fernández na data 08/11/2018 18:19:26**

**Noa Presas Bergantiños na data 08/11/2018 18:19:27**

**Xosé Luis Bará Torres na data 08/11/2018 18:19:28**